

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj: 02-011-76/00
Sarajevo, 13 aprila 2000. godine

Z A P I S N I K

**s 16. sjednice Doma naroda Parlamentarne skupštine Bosne i Hercegovine, održane
13.4.2000. godine**

Sjednica je počela sa radom u 16,10 sati.
Sjednicom je predsjedavao Vladimir Šoljić, prvi zamjenik predsjedavajućeg Doma naroda Parlamentarne skupštine Bosne i Hercegovine.
Na sjednici Doma bilo je 13 delegata.
Nakon što je predsjedavajući konstatirao da ima kvorum, predložio je sljedeći

D N E V N I R E D

1. Verifikacija mandata delegatu iz reda bošnjačkog naroda;
2. Usvajanje zapisnika 15. sjednice Doma naroda;
3. Prijedlog zakona o Vijeću ministara Bosne i Hercegovine i ministarstvima Bosne i Hercegovine – predlagač tri člana kolegija Doma naroda;
4. Potvrđivanje imenovanja glavnog revizora i zamjenika;
5. Realizacija plana Međunarodnog fonda za deminiranje i pomoć žrtvama mina u BiH;
6. Delegatska pitanja.

Dnevni red je usvojen jednoglasno.

AD. 1. Verifikacija mandata delegatu iz reda bošnjačkog naroda

Delegatu iz reda bošnjačkog naroda, Šefiku Džaferoviću verificiran je mandat. Delegat Šefik Džaferović je dao svećanu izjavu.

U okviru ove tačke predsjedavajući je predložio da delegati Šefik Džaferović i Zoran Marić budu članovi onih komisija čiji su članovi bili njihovi predhodnici.

Ovaj prijedlog je jednoglasno usvojen.

Poslije verifikacije mandata Šefiku Džaferoviću, na sjednici je bilo 14 delegata.

AD. 2. Usvajanje zapisnika 15. sjednice Doma naroda

U raspravi o zapisniku niko nije učestvovao.

Zapisnik 15. Sjednice usvojen je jednoglasno

AD. 3. Prijedlog zakona o Vijeću ministara Bosne i Hercegovine i ministarstvima Bosne i Hercegovine – predlagač tri člana kolegija Doma naroda

U raspravi je učestvovao Momir Malić.

Nakon rasprave glasalo se po klubovima naroda o Prijedlogu zakona o Vijeću ministara. Iz reda Kluba hrvatskog naroda 4 delegata su bila za usvajanje Zakona, a jedan delegat je bio uzdržan.

Iz reda Kluba bošnjačkog naroda 3 delegata su bila za usvajanje Zakona, jedan delegat je bio protiv, a jedan delegat je bio uzdržan.

Iz reda Kluba srpskog naroda 3 delegata su bila za usvajanje Zakona, a jedan delegat je bio uzdržan.

Prijedlog zakona o Vijeću ministara je usvojen u istovjetnom tekstu kao na Predstavničkom domu Parlamentarne skupštine BiH.

AD. 4. Potvrđivanje imenovanja glavnog revizora i zamjenika

U raspravi je učestvovao Đoko Pajić tržeći da se materijali dostavljaju na sva tri jezika i sva tri pisma s obzirom na to da za ovu tačku nije dobio materijal na srpskom jeziku i ćiriličnom pismu .

Nakon rasprave sa 13 glasova za i jednim uzdržanim glasom potvrđeno je imenovanje glavnog revizora i zamjenika.

AD. 5. Realizacija plana Međunarodnog fonda za deminiranje i pomoć žrtvama mina u BiH

U raspravi je učestvovao Izet Žigić predlažući da delegati svoj aprilski paušal izdvoje u fond za deminiranje i pomoć žrtvama mina u BiH.

Plan Međunarodnog fonda za deminiranje i pomoć žrtvama mina u BiH jednoglasno je podržan.

AD. 6. Delegatska pitanja

Delegat Zoran Marić je dao prijedlog da se isti dan ne održavaju sjednice Doma naroda Parlamenta Federacije BiH i Doma naroda Parlamentarne skupština BiH.

Delegat Mugdin Herceg zatražio je pisani odgovor u vezi sa inicijativom da se Izjava o konstitutivnosti građana i naroda BiH, koju je dostavio Kolegiju Doma 5.1.2000. godine, uvrsti u dnevni red sjednice Doma te zašto se do sada ova izjava nije uvrstila u dnevni red.

Sjednica je završena u 16.35 sati.

Magnetofonski snimak čini sastavni dio Zapisnika.

PRVI ZAMJENIK
PREDSJEDA VAJUĆEG
DOMA NARODA
PARLAMENTARNE SKUPŠTINE BiH
Vladimir Šoljić